

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni aallartitanut Siulittaasup aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutit aalajangersagaanut nr. 2/2021-mut Inatsisartut tapersiinissaat pillugu Inatsisartut aalajangiiffigisassaattut siunnersuut:

**Qaffasinnerusumik ilinniarnert ungasissumiit ilinniartitsinikkut ingerlanneqarsinnaaner at Savalimmiuni, Islandimi Kalaallit Nunaannilu Naalakkersuisut nunani pingasuni tigussaasumik suleqatigiiffimmik pilersitsisoqarsinnaanera pillugu misissuisoqarnissaa Nunat Avannarliit Killiit Siunnersuisoqatigiiffiata kammattuutigaa.**

(Aallartitat Siulittaasuat Pipaluk Lynge-Rasmussen)

#### **Tunngavilersuut:**

Teknologimi ineriartornerup, pitsaaneruserup attaveqaqatigiissinnaalernerup ungasissumiillu ilinniartitsinermik misilittagaqalersimanerup ukiuni kingullerni innuttaasunut avinngarusimasuni najugaqartunut qaffasissumik siammasissumillu ilinniarsinnaanerannik periarfissiivoq. Nunat avannarlerni killerni pingaartumik Kalaallit Nunaanni Islandimilu ornitassat ungasissinnaasarpur. Ungasissumiit ilinniartitsineup innuttaasut illoqarfimmi pingaarnermi illoqarfiniluunniit najugaqanngitsut ilinniakkanik assigiinngitsunik ilinniarsinnaanermik periarfissarinnisaraluannik periarfissippai.

Tamatuma saniatigut ungasissumiit ilinniarsinnaaneq inuit sulitigalutik ilinniarsinnaanerannut periarfissiivoq. Ilisimatusartut aamma paasisimalereerpaat ungasissumiit ilinniartitaanerup nunap angerlarsimaffigisap qimannagu ingerlalluarsinnaasoq. Taamaattumik Ungasissumiit ilinniartitsineq inuit ataasiakkaat ineriartornerannut pitsaasuuginnarnani Issittumili inuiaqatigiit peqqissusaannut pitsaasumik sunniuteqarpoq.

Inukitsuni ilinniarsinnaanermut periarfissat avaqqunneqarsinnaanngitsumik killeqarput, pingaartumik immikkut ilinniakkanik qaffassaanermi. Ungasissumiit ilinniartitsinerit atorlugit ilisimatusarfinni nunani pingasuusuni ilinniagarisinnaasanik siammasinnerusumik ilinniartunut neqerooruteqarsinnaaneq periarfissanngussaaq.

Ilisimatusarfiit nunani taakkunani pingasuni ilinniakkani assigiinngitsuni annertusiartortumik ungasissumiit ilinniartitsinerit neqeroorutigineqartarpoq, aamma ilisimatusarfiit ataqatigiin-

nerulersinnerisigut ilisimasat misilittakkallu nunat akornanni pitsaanerusumik agguanneqar-sinnaalissapput. Attaveqatigiinnikkut aaqqissuusineri nutaani pilersaarutaasunilu ungasissu-  
sumiit ilinniartitsinerit innuttaasunut inoqarfinni inukitsuni piviusorsiorsumik periarfissiivoq.  
Nunani pingasuni ilinniartitaanermut ministerit nunani pingasuni ilisimatusarfiit peqatigalugit  
ungasissumiit ilinniartitsisinnaanerup periarfissaanerata misissussagaat Nunat Avannarliit  
Killiit Siunnersuisoqatigiiffiata kaammattuutigaa. Kalaallit Nunaata Islandillu akornanni  
Issittumi nutaami suleqatigiinneq pillugu Islandip nunanut allanut ministereqarfiata januar  
2021-imi nalunaarusiaani ungasissumiit ilinniartitsisarneq pillugu assingusumik kaammatt-  
tuuteqartoqarpoq. Nunani avannarlerni europamilu aningaasaateqarfinnut ungasissumiit ilin-  
niartitsisarnissamut aningaasaliisussarsiorarnissat periarfissaanersoq misissorneqassasoq  
ilanngullugu nunat kaammattorneqarput.